

# Kor SISPA Latih Mahasiswa Mencari dan Menyelamat

Published: Wednesday, 10 June 2015 16:36 | [Print](#) | Hits: 926

Share 0

Recommend

Share 0

Tweet

Share

G+ Share 0



**RABU, 10 JUN** – Bagi mempersiapkan mahasiswa dengan pengetahuan teknik mencari dan menyelamat, Kor Siswa Siswi Pertahanan Awam (SISPA) Universiti Malaysia Sabah (UMS) baru-baru ini mengadakan Kem Latihan Medan di Binsuluk Beach Resort, Membakut.

Menurut Timbalan Komandan Kor SISPA UMS, Lt. Kol. (PA) Dr. Mohamad Nizam Nazarudin, kem yang disertai 96 pelajar semester 2 dan 4 itu didedahkan dengan pelbagai aktiviti bagi membentuk pasukan penyelamat yang sentiasa bersedia sedia dan cekap dalam kalangan pelajar.

“Kem ini telah memberi pendedahan kepada mereka tentang penggunaan set radio komunikasi dan alat berteknologi tinggi seperti penggunaan *Global Positioning System* (GPS) dan *Government Integrated Radio Network* (GIRN),” katanya ketika ditemui media.

Katanya, latihan tersebut turut menerapkan budaya kerja berkumpulan yang menitikberatkan aspek kerjasama dan interaksi berkesan.

Dr. Nizam berkata, kem latihan itu juga adalah sebagai sebahagian pra-syarat wajib bagi silibus pembelajaran dalam Kor SISPA dengan menggabungkan kemahiran insaniah dan teori serta praktikal semasa latihan.

“Pelajar diberikan tugas mencari dan menyelamat dalam hutan dalam tempoh enam jam meliputi jarak 2.5 kilometer bagi empat *check point* yang pada setiapnya peserta diberi tugas tambahan melibatkan kemahiran menyelamat kecemasan dan rawatan awal dengan sumber yang terhad seperti mendirikan khemah sementara dan menyediakan masakan medan mengikut kreativiti masing-masing,” tambahnya.

Jelasnya, para pelajar juga didedahkan asas teknik menyelamat di air selain mengenal pasti sumber hasil hutan yang bermanfaat untuk digunakan sebagai alat ganti menyelamat di belantara.

Kem latihan selama tiga hari itu diselenggara sepenuhnya pegawai bertauliah dari Jabatan Pertahanan Awam Malaysia (JPAM) Sabah.

Majlis penutupannya disempurnakan Ketua Bahagian Pengurusan Angkatan JPAM Sabah, Mejar (PA) Erwin@Elverowen Kinsui. -SS

Bahagian Media dan Citra  
Sumber: Kor SISPA